



ulloq 21. Aggusti 2026

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

1. Issittumi Illersornissaq pillugu isumaqatigiissuutip aappani Kangerlussuarmut tunngatillugu pitsanngorsaanissat suuppat pilersaarutaasut?
2. Kangerlussuarmi pitsanngorsagassatut eqqarsaatigineqartut misissorneqareerpat?
 - a) Taamaassimappat aallartinneqartussat suuppat?
 - b) Isumaqatigiissummi Kangerlussuarmi umiarsualiveqarnikkut atortulersuutit misissorneqarnissaannik eqqaaneqartut suunukua?
 - c) Talittarfiliornissaq pilersaarutaava?
3. Illersornissaqarfiup timmisartuisa Kangerlussuarmut mittarnerat nunaqarfiup nioqqutissanik pilersorneqarneranut iluaqutiginiarneqarsinnaanera Naalakkersuisut qanoq isumaqarfigivaat?
4. Illersornissaqarfiup timmisartuisa Kangerlussuarmut mittarnerat nunaqarfiup nioqqutissanik pilersorneqarneranut iluaqutigineqassappata, Naalakkersuisut isumaqarpat tamanna Air Greenlandip aningaasaqarneranut innarliissasoq?
5. Narsarsuup illersornissaqarfimmiit atorneqalersinnaanera Kangerlussuarmut arlaatigut sunniuteqassava?
6. Air Greenlandip silaannakkut alapernaarsuilluni suliaassanik tigusermini Kangerlussuup siunissami aallaavittut atorneqarnissaa qulakkiigaava?
 - a) Imaluunniit utaqqiissaarutaannaasumik Kangerlussuaq atorneqarniarpa?

(Inatsisartunut ilaasortaq Nivi Heilmann Efraimsen, Inuit Ataqatigiit)

Tunngavilersuut:

Issittumi illersornissaq pillugu siorna oktoberimi saqqummiunneqartumi atuarneqarsinnaavoq Kangerlussuarmi assigiinngitsutigut pitsanngorsaasoqarnissaa misissorneqassasoq. Maannamut qaammatit 10-it ingerlareersimalermata paaserusunnarpoq misissuinerit suut ingerlanneqareersimanersut? Aammalu misissuisoqareersimappat pitsanngorsagassat suut aallartinneqarnissaat pilersaarutaanersut paasissallugit soqutiginarput.

Taamatuttaaq Kangerlussuup umiarsuakkut pilersorneqarsinnaajunnaarnerani sakkutuut timmisartuisa Kangerlussuarmut mittarnerat nunaqarfiup pilersorneqarneranut atorluarneqarsinnaasariaqaraluarnerannik nunaqarfimmiut kissaataat isumaqarpunga Naalakkersuisuniit pimoorullugu misissorneqartariaqartoq. Tassami politikikkut sulinitinni innuttaasut avinngarsusimanerusumiittut atugaasa sapinngisamik illoqarfimmiut atugaannut

nallersuussinnaanissaat isumaqarpunga tamatta soqutigisariaqaripput, tamatumani aktieselskabit pingaarnerutippallaarnagit.

Kissaatigaara apeqqutit ullut qulit qaangiutsinnagit akineqarnissaat.